

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

Quòd Concilium Sardicense cum thronum suum Athanasio, Itemq[ue]
Paulo reddidisset, ac Orientalis partem Imperator Constantius eos non
admitteret, Imperator occidentis bellum illi interminatus est, ...

urn:nbn:de:hbz:466:1-12704

SOCRATIS HISTORIAE

riant, filio Dei initium essentiae tribuisse: præsertim cum scriptorum Origenis & æmulus, & admirator extiterit. In quibus illi, qui abstrusum & reconditum librorum Origenis sensum eruere potuerint, passim scriptum inuenient, filium à patre genitum fuisse. Atque ad ista quidem, nostra deflexit oratio, quo Eusebii obrectoribus respondemus.

Quod Concilium Sardicense cum thronum suum Athanasio, Itemq; Paulo reddidisset, ac Orientalis partem Imperator Constantius eos non admitteret, Imperator occidentis bellum illi interminatus est, quod metuens Constantius accersum per epistolas Athanasium Alexandriam mittebat.

CAPVT XVIII.

Episcopi tum qui Sardice, tum qui Philippi vrbis Thraciae conuenerant, conciliis separatim conuocatis, rebusque, quæ vtrisq; videbantur constitutis, ad suas ipsorum ciuitates reueterunt. Ecclesia igitur versus occidentem, ab ecclesia, quæ erat in oriéte dissensione distracta fuit. Terminus autem, quo illorum erat distincta communio, mons inter Illyrium & Thraciam interiectus, qui Tisucus dicitur, constitutus est: ad quem quidem usque omnes inter ipsos, licet fide dissentientes, discrimine penitus remoto, communicarunt. Ulterius verò nulla inter eos fuit communio. Talis quidem perturbatio atque confusio statum ecclesiæ id temporis occupauit. Statim verò post Imperator, qui partium ad occidentem vergentium dominabatur, ea quæ in concilio Sardensi acta erant, fratri suo Constantio significat: hortaturq; vt Paulum & Athanasium ad proprias fides restituendos curet. Vbi autem Constantius fratri postulata de die in diem differebat, ille, imperatorem dico, occidentis, optionem fratri dat, vel Paulum & Athanasium ad suas ipsorum sedes, ecclesiasq; restituendi, vel si hoc minus præstaret ipsum sibi hoste reddedi, nihilq; aliud quam bellū expectandi: literæ aut, quas ad fratrem scripsit ita se habet. Sunt hic apud me Athanasius & Paulus: quos auditione accepi pietatis causa persecutionem passos esse. Quod si polliciare

*Susacis
apud Ni-
rep̄. dici-
zur lib. 9.
cap. 13.*

liciare te illis suas ipsorum sedes redditurū, inq; eos, à quibus sine causa iniuria affecti sunt, animaduersum, viros ipsos ad te mittam: sin autem recuses ista hoc modo perficere, pro certo velim cognoscas, me eo venturum, & te inuito illis suas ipsorum sedes restituturum. Quæ cum intellexisset orientis Imperator, non mediocrem animo cepit ægritudinem. Accersitis igitur non paucis orientis episcopis, optionem sibi datam illis exponit: rogat, quid faciendum sit. Illi melius esse respondent, ut Athanasio ecclesiæ suæ concederet administrationem, quam ut bellum intestinum susciperet. Vnde Imperator necessitate adductus, Athanasium ad se accersit. Interea temporis Constâs occidentis Imperator, Paulum cum duobus episcopis, cum literis suis, cumq; literis etiam cōciliij, quo tutior esset, honorifice Constantiopolim mittit. Cū Athanasius adhuc extimesceret animoq; ad Constantium, nec ne proficisceretur hascitaret (metuebat namque falsas calumniatorum criminationes) Constantius orientis Imperator, illum non semel modò, verùm etiam iterum ac tertio ad se acciuit: quemadmodum literæ eius quas ex latino sermone in Græcum conuertimus, satis declarat, ad hunc modum.

Epistola Constantij ad Athanasium.

Constantius, victor, August. Athanasio Episcopo, S.

Dⁱlutijs te, tanquam turbulentis ac sequis maris fluctibus iactari agitariq; singularis nostra clementia non patitur. Tē patrio lare orbatū, spoliatum fortunis per deuia itinera, & periculosa oberrare, pietas, quam nos perpetuo colimus, non sinit. Quamuis sensa mentis meæ diu admodum ad te propterea scribere distulerim, quod expectabam, te tua sponte ad nos aduēturum, & rerum aduersarum, quibus afflictabar, remedium petiturum, tamē cum metus fortasse tuū institutum remoraretur, ob eam causam literas benignissimas ad tuā grauitatem misimus, vt quam primum in nostrum conspectum venire contenderes: quo tum tuum ipsius desiderium expleres, tum nostrā expertus clemētiam, tuis sedibus ac fortunis restituereris. Nam huius rei gratia dominum & fratrem meum Constantem victorē, Augustū, pro te rogaui, vti potestatem tibi faceret ad me accedendi,

quo

SOCRATIS HISTORIAE

quo utriusque nostro subsidio patriam recuperare, hocque
tanquam pignus nostrae in te beneficentiae habere posses.

*Alia Epistola ad ipsum magnum
Athanasium.*

*Constantinus, victor, Augustus, Athanasio
Episcopo, S.*

QVanquam per superiores literas,tibi apertissimè signi
ficauimus,vt animo securo ad nostrum comitatum ac-
cederes, propterea quod in animo erat te ad tuam se-
dem mittere,tamen has literas etiam tuę grauitati dedimus,
vti publico vehiculo consenso,ad nos absque omni diffi-
dientia ac timore aduentare properes,quo rebus,quarum cu-
piditate duceris,mature potiri queas.

*Alia Epistola ad eundem magnum
Athanasium.*

*Constantius, victor, Augustus, Athanasio
Episcopo, S.*

DV M Edeffæ versabamur, præsentibus tuis presbyte-
ris,visum est vnum presbyterum ad te mittere, vt ad
nostrum comitatum accedere maturares,quo simul ac
venires in nostrum conspectum,absque mora Alexandriam
recta pergeres. Verùm quoniam multum iam temporis præ
teriit,ex quo nostras acceperisti literas,ad nos tamen venire
distulisti, propterea te etiam nunc denuò in memoriam re-
digere decreuimus,vt absque cunctatione ad nos accedere
festines,sicq;ne & patriæ restitui,& quod tibi in optatis est,
assequi possis. Et quo plenissimè de omnibus rebus certior
fias,Achetam diaconum ad te misimus,à quo poteris disce
re,& quid nos animo instituerimus,& quòd tu,ea quæ ex-
petis,ex animi sententia confécuturus sis. Ista epistolas
vbi Athanasius in Aquileia (Sardica enim digressus, ibi cō
morabatur) acceperat,Romam cum festinatione contédit:
literas ostendit Iulio episcopo: Romanam ecclesiam maxi-
ma afficit lætitia.Nam Constátius orientis Imperator pro-
pterea videbatur illorum de fide opinioni assensurus,quod
Atha-

Athanasiū ad se accersuerat. Iulius verò Clero & populo Alexandrino hæc de Athanasio per epistolam significauit.

Iulij Episcopi Romani ad Clerum & populum Alexandrinum Epistola.

*Iulius Episcopus, presbyteris, diaconis, & populo
Alexandriā incolenti, dilectis fratribus,
in Domino salutem.*

V Obis equidem vehementer gratulor fratres charissimi, quod fructum fidei vestre iam deinceps oculis cerner possitis. Istud enim in fratre & collega meo Athanasio verè perspici queat: quem cum ob synceram & piam viuendi rationem, tum ob vestras preces Deus vobis restituit. Ex hac re etiam poterit intelligi, quām puras preces, quanque plenas charitatis semper ad Deum fuderitis. Nam cum promissionum Cœlestium, & amoris erga illas ipsas, quem à fratre meo prædicto didiceratis, vobis in mente veniret, verè intellexistis, & per fidem illam rectam, quę in vestris mentibus penitus infederat, exploratè cognitum habuistis, Athanasium, quem in vestris piis animis tanquam præsentem semper continuistis, non in perpetuum à vobis seiunctum iri. Quare mihi ad vos literas perscribenti multis verbis non est opus. Nam quæcumque à me dicuntur, ea vestra fides quasi præoccupauit, & quæ communiter à vobis omnibus optata erant, per Christi gratiam cumulate expleta sunt. Vobis idcirco gratulor (vt secundò idem repeatam) quod animos vestros adeò firmè in fide continuistis, uti ab ea nullo modo deturbari potuissent. Quinetiam fratri meo Athanasio non minus gratulor, quod quamuis multas res asperas perpessus sit, vestræ tamen charitatis & desiderij nihilominus horas ferè singulas recordatus est. Nam quāquam corpore ad tempus videbatur à vobis abstractus, spiritu tamen semper tanquam vna vobiscum ætatem degit. Atque omnes res aduersas, quas expertus est, fratres charissimi, sua laude minimè carere arbitror. Etenim hoc modo cum vestra, tú ipsius fides apud omnes plene perspecta, explorataque est. Nam si tam grauis casus illum nō afflixisset,

quis

SOCRATIS HISTORIAE

quis vñquam credidisset, vel tam stabile iudicium in vestris, animis insedisse, tanquam charitatis ardorem erga tam egre, gium episcopum incensum esse, vel illum tam præclaris virtutibus prædictum, ob quas spei, quæ est nobis in cælis reposita particeps fiet. Quamobrem cum in præsenti, tum in futuro seculo, eximium confessionis testimonium omnino, est consecutus. Nam multas calamitates, variis modis, terra marique expertus, omnes Arianae factionis insidias quasi, pedibus conculcauit. Ac sèpenumero inuidia causa in vi- tæ periculum per aduersarios insidiosè coniectus, mortem contempnit ille quidem: sed tamen Dei omnipotentis, & domini nostri Iesu Christi auxilio euasit in columis: vnde spē, animo concepit se tum hostium insidias deuitaturum, tum vobis ad vestrorum animorum solatium tandem fore restitutum, quo ex vestra recte factorum conscientia vna vobiscum illustrissima trophæa reportaret: Quibus sanè ad extremas vniuersæ terræ oras eximiè nobilitatus est: certissi maque vitæ præclarè actæ indicia omnium oculis subiecit, quippe qui non modò fidei suæ professionem & doctrinam cælestem sit liberè tutatus, verùm etiam iudicio certo, & quasi immortali vestrum singularem erga ipsum amorem, perspicuè declarauit. Quocirca maiore splendore, quam cum à vobis decessit, illustratus ad vos reuertitur. Quod si eximiè & præciosæ materię puritaté, vt auri argéttive, ignis, exquisitè exploret, quid de tam excellenti viro pro dignitate dici poterit, qui post tam ardentia afflictionum incendia restincta, post tam grauia pericula superata, iam vobis restitutus sit, innocensque non à nobis solum, sed ab vniuerso concilio declaratus. Athanasium igitur vestrum epis- copum, Fratres Charissimi, vna cum iltis, qui earundé cum eo calamitatum participes fuere, cum omni diuino honore, & lætitia excipite. Lætamini votorum facti compotes, qui vestrum pastorem vestræ pietatis, esurientem sitientemque, vestris literis salutaribus, dum aberat, nutriuistis, & quasi portastis. Nam eo pacto, dum in exteris & peregrinis regionibus versabatur, ei permagno fuitis solatio: & dum persecutionis procellis iactatus, insidiisque appetitus erat, fedelissimis vestris aduersus illum animis studiisque, eius dolorum magnopere leniuistis. Mihi autem iam cogitanti,

men-

menteq; præcipiente, tum cuiusque vestrum de eius redditu
 lætitiam, tum multitudinis occurstationes pietatis plenissi-
 mas, tum honorificum hominum confluentium, quasi fe-
 stum, tum quis & qualis nam ille dies, quo frater meus ad
 vos reuerteretur, futurus sit, maxima sane se offert oblatione:
 præfertim cum & dissensiones, quæ ante exitere, conquie-
 uerint, & honorificus eius ex animi sententia redditus, om-
 nes incredibili quadam lætitia affecerit: quæ quidem læti-
 tia propter suam ipsius magnitudinem ad nos etiam, quibus
 cœlitus donatū est, vt in huiusmodi viri notitiā veniremus
 permanauit. Rectū igitur videtur, vt cū precatione finē epi-
 stolæ faciamus. Deus Omnipotēs, & eius filius, Dominus &
 seruator noster Iesus Christus perpetuā suam gratiam vobis
 suppeditet, præmiūq; vestræ eximiae fidei, quā tā illūtri te-
 stimonio aduersus Episcopum vestrū declarasti, benignus
 largiatur: vt cum vos, tum posteros vestros, tū hic, tum in fu-
 turo seculo multo præstabiliora præmia maneant, quæ nec
 oculus vidit, nec auris audivit, nec in cor hominis ascende- 1. Cor. 2.
 runt, quæ præparauit Deus diligētibus se, per dominum no-
 strum Iesum Christū, per quem omnipotenti Deo gloria in-
 omnem æternitatem, Amen. Vos fratres chatissimi, opto va-
 lere plurimū. His literis fretus Athanasius in orientem pro-
 ficietur. Constantius Imperator quanquā illum tum qui-
 dem non inuito animo excepit, tamē callide ab Arianis sub-
 monitus, eum fallaciter ludificari aggreditur. Sic illum affa-
 tur: Etsi sedem Episcopatus tui, tuā concilij decreto, tū no-
 stra approbatione recuperasti: tamen quoniam sunt Alexan-
 driæ nōnulli ē populo, qui à tua cōmunione disiuncti sunt,
 vnam ecclesiā in ciuitate illos retinere permittas velim. Ad
 quod postulatum Athanasius acute respondet. O Impera-
 tor, inquit, in tua situm est potestate, vti ea, quæ lubitum fu-
 erit cum imperes, tum exequare, ipse etiā aliud beneficij lo-
 co abs te peto postuloq;, quod mihi largiaris velim. Quod
 vbi Imperator alaci & prompto animo se daturum promi-
 serat, adiūgit illico Athanasius: peto, inquit, vt illud ipsum
 abs te impetrem, quod tu à me impetrare voluisti: nimi-
 rum vt in singulis ciuitatibus his, qui à communione A-
 rianorum se ipsi secreuerunt, vna ecclesia tribuatur. Aria-
 ni igitur, vt Athanasii sententiam non incommodam esse
 intellege-

SOCRATIST HISTORIAE

intelleixerant, tametsi eam rem in aliud tempus differendam dicebant, Imperatori tamen quo minus, ea quæ sibi videbātur, obiret, neutiquam fuere impedimento. Quapropter Imperator Athanasio, Paulo, & Marcello, quinetiam Asclepæ Gazæ episcopo, & Lucio episcopo Adrianopolis proprias ipsorum sedes restituit. Ipsi duo posteriores etiam à concilio Sardicensi admissi erant: Asclepas quidem, quod commentarios ostenderat, ex quibus constabat Eusebium Pamphilum cum aliis nonnullis, tū eius causam diligenter cognouisse, tum ei proprium dignitatis gradum reddidisse: Lucius autem, quod eius accusatores aufergerant. Mandata igitur Imperatoris ad proprias cuiusque illorum ciuitates exierunt, quibus erat imperatum, vt illos prompto ac parato animo reciperent. Ancyra igitur, quoniam Basilius erat exturbatus, Marcellusq; in eius locū venerat, non exiguis tumultus concitatus est: qui quidem illis qui aduersariam opinionem tuebantur an sam præbuit ad Marcello obrectandum. Ciues Gazæ Asclepam libenter exceperunt. Constantinopoli autem Macedonius Paulo ad tempus locum concessit, & in ecclesia quadam ciuitatis separatim conventus fecit. Pro Athanasio verò imperator ad Episcopos, Clericos, & populum Alexandrinum scripsit literas, vt illum libentibus animis reciperent. Quinetiam per alias literas ius sit, vt ea, quæ in iudiciis contra eum acta fuissent, penitus delerentur. Literæ de vtraque re perscriptæ, sunt hæ.

Constantij Epistola pro Athanasio Episcopo.

*Victor, Constantius, Max. August. Episcopis &
presbyteris Ecclesiae Catholicae, S.*

AThanasium episcopum cum primis venerandum, gratia & benignitate Christi neutiquam certè destitutum, fuisse constat: sed quanquam ad exiguum temporis, spatiū hominum iudicia, quibus in eum iniquè inquisitum erat, subiit, tamen à diuina prouidentia omnium rerum, contemplatrice, iustum debitamq; reportauit sententiam, Deiq;

Deiq; voluntate & nostro iudicio cum patriam, tum eccl^e, siā, cui nutu diuino p̄fectus fuisset, recuperauit. Cui quidem à nostra clementia, quæ rationi sunt conuenientia, super peditari debent, vsque adeo ut omnia, quæ ante hac contra eos, qui cum illo cōmunicarint, decreta decisaq; sint, iā obliuione penitus obruantur: omnisq; suspicio, quæ in eū cōmotata sit, deinceps tollatur, & Clericis eius, vt par est, confitetur immunitas, qua iam olim donati fuerint. Quinetiam nostro in illum collato beneficio illud adiungendum putavimus, nimirum, vt omnes, qui in sacrum Cleri numerum cōcētumq; ascripti sunt, intelligat securitatem omnibus, qui illi adhārescant, siue episcopi, siue Clerici illi fuerint, esse donatam. Atque satis magnum rectæ cuiusque voluntatis & instituti indicium fuerit, firma cum isto consensio. A nobis igitur imperatum est, vt qui meliori iudicio & opinione addicti, istius communionem amplexātur, omnes eodem modo iam per nostram voluntatem, quo antea per diuinam prouidentiam, Dei beneficentia illis delata perfrauantur.

Alia Epistola missa ad Alexandrinos.

Victor Constantius, Max. Augustus, populo Catholice Ecclesiae Alexandrinae, S.

Quoniam rectam vestri gubernationem, nobis tanquam scopum ad intuendum, semper proponimus, explorat eq; perspectum habemus, vos Athanasio episcopo viro cum propter rectum animi sui iudicium, tum propter speciosos & commodos mores eximio, diu iam destitutos fuisse, idcirco eum ad vos denuò mittere decreuimus. Istum igitur pro vestro consueto more honorifice excipite, inque vestris ad Deum precibus fundendis, eum tanquam adjutorem adiungite: Concordiam & pacem tum accommodatam vobis ipsis, tum nobis gratam exceptamq;, perpetuo, si cut sacrosancta ecclesiæ instituta postulant, conseruare labore. Nam non est consentaneum, ut vlla discordia seditione inter vos concitata, prosperum rerum statum, qui nostris iam viget temporibus, aliqua ex parte perturbet. Istud malum à vobis omnino abesse cupimus, hortamurq; vos, Chassisimi

SOCRATIS HISTORIAE

rissimi Alexandrini, ut Athanasio in precationibus vestris, ;
quibus diuini numinis opem (vt vestri moris est) implora ,
tis, semper vt antistite, & vti supra diximus, adiutore vtami- ,
ni, quo illo vestro instituto ex omnium voto & sententia ,
succedente, gentes, quæ simulachrorum colendorum erro- ,
re adhuc teneantur irretitæ, ad sacrosanctæ nostræ religio- ,
nis professionem propensa admodum animorum volunta- ,
te contendant. Quinetiam illud vobis suademus, vt in his, ,
quæ ante commemorauimus, perseueretis & episcopū Dei ,
decreto, & nostra sententia ad vos missum, lubenter excipia ,
tis, omniq; animi cogitatione studioque complectendum ,
existimetis. Nam certum est, hoc & vobis aptum, & nostræ ,
benignitati consentaneum esse. Atque vt illis, quorum ani ,
mis sunt malevolentia suffusi, omnis tergiuersationis & con ,
tentiois materia sublata sit, iudicibus, qui apud vos sunt, ,
mandauimus, vt omnes, quos seditiosos esse animaduerte- ,
rint, graui suppicio coerceant. Quocirca cum hæc vtraque ,
perspiciatis, & nostram sententiam cum Dei voluntate con ,
sentientem, & curam de vobis vestrâque concordia susce- ,
ptam, quinetiam supplicium contra turbulentos homines ,
statutum, vos ea, quæ sacrosanctæ religionis instituto con- ,
sentanea conuenientiaq; sunt, sedulo obserueruâtes, hunc, ,
quem diximus Athanasium, cum omni reuerentia & hono ,
re complectimini, & preces una cum illo, tum pro vobisip- ,
sis, tum pro totius orbis terrarum concordia, Deo patri om ,
nium moderatori fundere labore.

*Epistola de ijs, quæ contra Athanasium acta
erant, penitus delendis.*

Victor Constantius August. Nestorio, S.

Est etiam epistola eadem formula præfectis
Augustomnicæ, Thebaidis, &
Lybiæ perscripta.

*Sic legit
Niceph. li
bro 9.ca.
26.*

SI quid ad incommode iniuriamq; eorum, qui cum A- ,
thanasio episcopo cōmunicant, antehac aliquando actū ,
reperiatur, istud iam volumus omnino abrogari tolliq;. ,
Quinetiam volumus, vt clerici eius eādem denuo immuni ,
tatem

, tatem obtineant, quam prius habuerunt: istudq; mandatum
, nostrum obseruari volumus: Ut Athanasio episcopo eccl^e
, siæ suæ restituto, omnes clerici qui cum illo communicant,
, eandem, quam cæteri clerici, habeant immunitatem: eaque
, perfruentes, Vitam læti transfigant.

*Quod Athanasius cum Alexandriam per Hiero-
lymam proficeretur, à Maximo in communio-
nem receptus, episcoporum Synodus coegit, quæ
ea quæ Nicææ decreta erant, confirmauit.*

C A P. X I X.

Hisce epistolis confisus episcopus Athanasius, per Syriā iter faciens, in Palæstinam proficiscitur. Ac Hierosolymam aduentans, ubi Episcopo Maximo cum ea, quæ in concilio Sardicensi decreta erant, tum quo modo Imperator Constantius illorum episcoporum decisioni cōfessisset, perspicuè significauerat, efficit, ut concilium episcoporum ibi etiam conuocaretur. Nam Maximus, abiecta omni cunctatione, quosdam episcopos è Syria & Palæstina accersit. Conuentu autem coacto, Athanasio & communio nem desert, & dignitatem tribuit. Illud etiam concilium Alexadrinis, & omnibus Aegypti & Lybiæ episcopis, ea, quæ erant de Athanasio decisa statutaq; prescribit. Quæ de causa omnes, qui in Athanasium odium conceperant, vehementer contra Maximum vociferabantur, quod antea Athanasium suo suffragio abdicauerat, denuo autem pœnitentia adductus, quasi non recte fecisset, illi iam erat suffragatus, & communionem dignitatemq; simul detulerat. Quæ cū Ursacius & Valens, qui antea permagno desiderio erga Arij dogma exarscrat, intellexissent, priore suo studio ab se ipsis condemnato, Romam veniunt: pœnitentiæ libello episcopo Iulio tradito, consubstantiali assentiuntur: ac literis ad Athanasium missis, de cætero cū illo se cōmunicaturos fatentur. Ad hunc modū igitur Ursacius & Valens rebus Athanasii tā prosperè cadentibus deuicti, Cōsubstantiali, vti dixi, assensi sunt. Athanasius autem per Pelusium recta Alexandriā iter capit: & in singulis ciuitatibus, ad quas aduertebat, docuit: hortatusq; est, vt Arianos deuitarent, eosq; amplexarentur,